



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-831-5/19
Datum: 22.10.2019. godine

**OPĆINSKO VIJEĆE
OVDJE**

PREDMET: Realizacija Zaključka Općinskog vijeće Tešanj uz Izvještaj o poslovanju JP "RAD" d.d. Tešanj za 2018. godinu,-

Općinsko vijeće Tešanj na svojoj 29. tematskoj sjednici održanoj 31.05.2019. godine, razmatrajući Izvještaj o radu i poslovanju JP "RAD" d.d. Tešanj za 2018. godinu, usvojilo je između ostalih i Zaključak:

"Imajući u vidu prisutan problem sa sudskom nagodbom iz 2008. godine, Nadzorni odbor preduzeća i Uprava će poduzeti sve potrebne mjere na sprečavanju mogućih negativnih posljedica koje bi mogle ugroziti likvidnost i stabilnost preduzeća i pripremiti Plan mjera i aktivnosti na sanaciji eventualnih posljedica (mjera štednje, racionalizacije troškova rada, kapitalni projekti itd), te o svemu izvijestiti OV na jednoj od narednih sjednica."

U skladu sa ovim Zaključkom JP "RAD" d.d. Tešanj pripremi je Informaciju broj: 6638/19 od 21.10.2019. godine koju Vam u prilogu dostvljamo.

Dostavljeno:

1. Općinsko vijeće Tešanj,
2. a/a



OPĆINSKI NAČELNIK

Mr. sci. Suad Huskić

Općina Tešanj
Načelnik g-din Suad Huskić
Predsjedavajući OV g-din Senad Subašić

Broj: 6638/19
Datum: 21.10.2019 god.

Predmet: Informacija, dostavlja se

U skladu sa zaključkom OV sa 29. tematske sjednice održane 31.05.2019 godine u nastavku dostavljamo informaciju o do sada poduzetim i realizovanim aktivnostima a vezano za sudsku nagodbu iz 2008 godine a po tužbi iz 2007 godine.

Radi podsjećanja, potrebno je spomenuti to da su uposlenici (ukupno 83 uposlenika) **tužili Preduzeće 2007 godine**, a zbog neisplaćenih razlika plata po osnovu granskog kolektivnog ugovora, **za period januar 2004 do mart 2007**, a nakon provedenog sudskog postupka u decembru 2008 godine je potpisana Sudska nagodba (ista je u prilogu ove informacije). Tadašnja Uprava u sastavu: Škapur Ibrahim, Fuad Mešić i Indir Kapić su uz saglasnost tadašnjeg UO a putem ovlaštenog pravnog zastupnika, sa uposlenicima usaglasili Sudsku nagodbu koja je „teška“ cca 850.000 KM neto, na koju treba dodati poreze i sudske i advokatske troškove tako da to onda iznosi cca 1.450.000 KM. U Sudskoj nagodbi su isplate vezane **uz eventualnu privatizaciju** preduzeća, usaglašeno je dakle da će do isplata uposlenicima doći samo ukoliko se otpočne proces privatizacije. Kompletan prethodno spomenuti iznos se vodio vanbilansno svih prethodnih godina. Nakon toga su se mijenjale još dvije Uprave u sastavima kako slijedi, prva: Izudin Alić, Fuad Mešić, Himzo Bošnjak, a druga: Mirsad Šaranović, Fuad Mešić i Himzo Bošnjak. U tom periodu sve do 2017 nisu vođene nikakve aktivnosti od strane Organa Preduzeća radi provjere eventualne mogućnosti naplate i kakve bi to efekte imalo po poslovanje Preduzeća.

Međutim, bez obzira na definisane uslove isplate tužitelji su krajem 2017 i tokom 2018 godine pokrenuli izvršni postupak putem svog advokata (Prnjavorac Fuad). Shodno toj novonastaloj situaciji aktuelni Organi Preduzeća (NO i Uprava) zajedno sa Osnivačem poduzeli su mjere iz svoje nadležnosti, obavili razgovore sa Sindikatom, Vijećem uposlenika, pojedinačno sa uposlenicima kako bi isti odustali od zahtjeva za izvršenje jer bi to značio ogroman udar na poslovanje Preduzeće. Uporedo sa tim pribavljana su stručna / pravna mišljenja od više pravnih stručnjaka / savjetnika o ovom slučaju. Na upućene zahtjeve za izvršenje tužitelja prema tuženom, Preduzeće je uredno i blagovremeno uložilo prigovore općinskom Sudu u Tešnju koji je iste u početku uvažavao, a nakon žalbe tužitelja kantonalnom sudu u Zenici, isti je uvažio žalbe i u prvostepenom i drugostepenom rješenju naložio izvršenje za jednog tužitelja, što je jasno značilo da treba pokrenuti ponovno pregovarački postupak sa tražiocima izvršenja a kako bi se spriječila prinudna naplata za sve tražioce izvršenja u kratkom periodu što bi izazvalo ogromne posljedice po rad i funkcionisanje Preduzeća. Shodno zakonskim propisima i ovlaštenjima i nadležnostima pristupilo se definisanju pojedinačnih vansudskih nagodbi sa tražiocima izvršenja. Rezultati do sada realizovanih razgovora i postignutih sporazuma su sljedeći:

- Ukupan broj tužitelja je bio 83 (2007 godine)
- Ukupan broj od toga aktuelno uposlenih u Preduzeću je 51 (2018/2019)
- Ukupan broj pezionera i nasljednjika umrlih je 29 (2019)

- Ukupan broj bivših uposlenika je 3, oni koji su 2007 radili a sada ne rade u Preduzeću a nisu ni penzioneri ni umrli. Sa njima će se u narednom periodu takođe obaviti razgovori i biti ponuđeno potpisivanje vansudskih nagodbi.
- Od aktuelnih uposlenika 51, njih 3 nisu podnijeli zahtjev za izvršenje, a 48 jeste podnijelo
- Od 48 njih koji su podnijeli zahtjev za izvršenje, postignut je sporazum sa 42, a isto podrazumijeva da se odriču zatezних kamata i da prihvataju isplate na rate, u zavisnosti od iznos, broj rata se kreće od 6 do 60 (5 godina). Preostalih 6 uposlenika se odlučilo na čekanje konačnog sudskog drugostepenog rješenja.
- Od 29 penzioneri i nasljednika umrlih do danas je postignut sporazum sa njih 11, i to podrazumijeva isplate na period od 6 do 24 rate, uz odricanje zatezних kamata. Sa preostalim 18 pregovori će se nastaviti u narednom periodu.

U konačnici to izgleda ovako:

- ukupno je bilo 83 tužitelja
- do danas sa njih 53 je potpisana vansudska nagodba
- do danas je za njih 2 realizovana prinudna naplata
- do danas su 3 uposlenika odustala od svojih potraživanja
- 6 uposlenika će čekati konačno drugostepeno sudsko rješenje
- sa još 19 će se obaviti razgovori do kraja godine, kada ćemo znati koliko je još pristalo na vansudsku nagodbu a koliko će čekati konačno rješenje o izvršenju.


Ovo je pregled po kategorijama podnosioca izvršenja i brojčani prikaz za svaku kategoriju i pojašnjenje.

Kada su u pitanju finansijski efekti to izgleda ovako:

- Procijenjena „težina“ tužbe iz 2007. je bila cca 1.450.000 KM bez zatezних kamata
- Trenutna situacija, postignuti efekti kao rezultat svih dosadašnjih pregovora su:
 - o da će Preduzeće u konačnici isplatiti cca 1.390.000 KM.
 - o da taj iznos neće biti isplaćen u samo nekoliko mjeseci nego u narednih do 5 godina
 - o a dogovorom oko odustajanja od zatezних kamata smanjen je ukupan iznos za dodatnih cca 150.000 KM
- U 2019 godini (do kraja godine) naša procjena je da bi „udar“ na Preduzeće iznosio cca 600-700 hiljada KM da se nije pristupilo pregovorima i postizanju vansudskih nagodbi, a kao rezultat postignutih dogovora, opterećenje za Preduzeće će biti do 200 hiljada KM što je u mnogome umanjilo negativni efekat za rad i poslovanje Preduzeća, koji je mogao uslijediti da je većina izvršenja stigla na naplatu.
- U 2020 godini očekujemo da će isplaćeni iznos biti do cca 300 hiljada, a onda u preostale 3-4 godine još po cca 200 hiljada po godini, ali to sve detaljnije ćemo znati u prvom kvartalu 2020 godine kada ćemo kroz izvještaj o poslovanju za 2019 sve detaljno navesti i predstaviti.

Za sada tj. u ovoj godini nismo imali obustavu planiranih investija i kapitalnih ulaganja i planskih aktivnosti, sve aktivnosti i projekte smo uspješno realizovali i održali likvidnost i pozitivan ambijent i poslovanje, i nije ugroženo kontinuirano pružanje servisa i usluga našim korisnicima, nije dovedeno u pitanje plaćanje obaveza prema našim partnerima i dobavljačima materijala i usluga. Takođe sve obaveze spram uposlenika (trenutno 95) su redovno izmirivane tokom prehodnog perioda i procjena je da će tako biti i do kraja godine.

NO i Uprava intenzivno rade na analizi poslovnog petogodišnjeg plana koji je usvojen 2018 a trebalo bi da traje do 2023, te ćemo do kraja godine ponuditi Osnivaču novi revidiran plan usklađen sa novonastalom situacijom.



Dostaviti:

- Općina Tešanj – Načelnik – 1x
- OV – Predsjedavajući – 1x
- a/a – 1x